

25 JAN 2001
Mahathir-Tiba
MAHATHIR TIBA DI KEDAH

ALOR SETAR, 25 Jan (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohd Ali tiba di Lapangan Terbang Sultan Abdul Halim di sini pada pukul 9.35 pagi ini bagi lawatan kerja dua hari ke negeri ini.

Ketibaan mereka disambut oleh Menteri Besar Datuk Seri Syed Razak Syed Zain.

Dr Mahathir dijadual akan menghadiri perjumpaan Aidilfitri dengan penduduk Kubang Pasu, kawasan Parlimennya, di Sekolah Menengah Jitra pada pukul 10.30 pagi.

Beliau kemudian akan menghadiri perjumpaan sambutan Tahun Baru Cina di Sekolah Rendah Yih Min, di Chanloon.

Perdana Menteri akan menemui pemimpin dan anggota Umno Bahagian Pokok Sena dan Padang Terap di Sekolah Menengah Sains Pokok Sena pada pukul 2.30 petang.

Pada sebelah malamnya, Perdana Menteri akan menghadiri jamuan makan malam Barisan Nasional (BN) di Dewan Majlis Perbandaran Kota Setar (MPKS).

Keesokannya, Dr Mahathir dijadual akan menemui pemimpin dan anggota Umno Bahagian Baling di Sekolah Menengah Agama Sik pada pukul 10 pagi.

Beliau kemudian akan menyertai jamuan tengah hari dengan penduduk perumahan Lembaga Kemajuan Wilayah Kedah (KEDA), Kota Aur, Sik sebelum menunaikan sembahyang Jumaat di masjid Kota Our, Sik.

Pada sebelah petang, Dr Mahathir akan menyertai para anggota dan pegawai tentera pada majlis Aidilfitri di Kem Gubir, Sik.

-- BERNAMA
JM RHM